



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Tertius. Mysticus in infimo profundi redigitur ad obscuram  
vacuitatem.

**urn:nbn:de:hbz:466:1-9766**

descendentis, admodum iucundè perfundatur, pro ordinario interea exercitio actus, procedendum erit, ut dictum est supra. *a* quanta potrò perfectionis sit Deo actualiter vñiri, & frui; quando omnis interea viuacitas, altum silentium tenet, ex sequentium praxi manifestum erit,

*Mysticus in infimo profundi redigitur ad obscuram vacuitatem.*

### ARTICVLVS TERTIVS.

**A**D nihilum b redactus sum. *&* nesciui, ac si diceret, ô pia anima, quid iam tandem post tot vicissitudines, & continuos usque ad profunda abyssi tuz interioritatis descensus, in rem ipsa cogitas? præsertim si pacatissimam illam habitationem centralem, quæ in infima regione tanta bonitate afficiebat, consideres. an non verè, & in toto tuo interno esse, habere, & vivere dicis, ad nihilum redacta sum? quam etiam nihilitatem longè amplius agnosces, si ea quæ in proprio statu pulchritudo florebat, & quam maximè si illam (scilicet eleuatissimam Transformationem quæ in spiritu persistebat) considerare volueris: in præsentiarum autem omnia euanuisse, & sicut umbra cum declinat, ablata esse videas? quapropter obserues velim, quod non tantum dicatur ad nihilum redactus sum; sed quod etiam addatur, & nesciui: ac si diceret, talem

tamque admirandam mystici negotij vicissitudinem, ac status ordinatam disparentiam, vera, ac reali mutatione in praxi contingere nesciui, dum in superioribus regionibus spiritus diuini, & spiritus proprij, earumque summo, ac amplissimo situ, tanquam in cœlorum supremo habitarem: videbar enim à tam felicissimo summo nunquam descensura. iam verò longa experientia disco, verum esse quod à Domino dicitur, si nimis exaltatus fueris c vt aquila; & si in cœlo posueris nidum tuum, inde detrahant te. idque tam modicè, & inaduertenter, vt ipsa met nescires te indies magis descendere, omnesque amplitudines in circumferentia, & toto hominis composito dispare: hoc tamen nihilum ad quod redigeris, non ita accipiendum est, ac si nihil agere, aut operari possis, debeat; sed hoc duntaxat ex decrecentijs iam dictis colligendum est; quod continua spiritus perfectio in eo consistat, vt quanto minus de supremis statibus, regionibus, sitibus, motibus, & actionibus percipi potest; tanto sit subtilior conformitas, & industria fæse accommodandi, ad operationes in Nunc instanti, necessaria. sicuti etiam perfectiois oculi actus est, cum modico lumine minutissima quæque; quam sole splendente, vastissimas alpium moles videre.

Et ideò pro actus exercitio, obscura illa in hoc profundo vacuitas non nisi inferioris hominis lensus, & tanquam opera-

*a* Paraph. 6. b Psal 72. c Abdia. 4.

operationis internæ præambulum re-  
putari debet ; ita ut transgressa hac  
grossitie , & subtus latentes spiritus  
aspectus, dein silentiosè admodum au-  
ris interna ad eum, qui non supra, vel  
extra; sed intus vicinissimè adstat, di-  
rigatur , quo ita pura specie intellectu  
informato, dilectionis intensio, & frui-  
tio sub collecta quidem circumferen-  
tia ; at centro æternitatis vndique illi-  
mitato, beneque affecto conseruetur:  
ita tamen, ut nondum de vivaci aliqua  
perceptione in inferiori homine nota-  
bile quid percipi possit, ut hic habetur  
consequenter,

*In hac vacuitate non tam pungens soleitas,  
quam remissio operationis  
inuenitur.*

#### ARTICVLVS QVARTVS.

**O**MNIS caro a fœnum, & omnis gloria  
eius quasi flos agri; exsiccatum est fœ-  
num, & cecidit flos; quia spiritus Domini  
sufflauit in eo: verè fœnum est populus, exsic-  
catum est fœnum & cecidit flos; verbum au-  
tem Domini nostri manet in æternum. ac si  
diceret, ô pia anima, in verbum nostræ  
fruitionis verè insufflat Dominus,  
quando in nobilissima sapientia , &  
sapida experientia, paulatim à summis  
per media ad infima quæque deducit,  
& diuinæ obumbrationis, ac amicissi-  
mæ suæ familiaritatis consortium à  
pulchritudinis suæ fragrantia subtra-  
bit; quo ita de nouo , & longè perfe-  
ctiori experientia disseat, quia verè om-  
nis caro fœnum, & omnis gloria eius  
quasi flos agri: dum non in eodem sta-  
tu permanet semper, multoq[ue] minus  
in summo adepto. quo cunque modo  
tandem hoc b sumnum accipiatur,  
sicut ergo fœnum potius flaccescit,  
quam vt spinis pungat; sic pia anima  
in hac totius sui compositi vacuitate  
potius remissionem operationum,  
quam tædiosam soleitatem experitur;  
cum enim abundantia vitalis in Deo  
afficiæ non amplius in spiritu ita  
abundet, ut in vires inferiores, & to-  
tum compositum effluere possit, ne-  
cessariò subsequitur in inferiori homi-  
ne vacitas, & non affici: quoadusq[ue] in  
exercitio actus, vitalis consortij diui-  
næ naturæ augmentum iterum ex ab-  
undantia in vires inferiores diffundi  
possit, interea verè ad omnium virtutum  
perfectius exercitium , ac meri-  
tum, quæ infirmitatis, & temptationis  
humanæ sunt experitur : ad quæ qui-  
dem præstanta minus utilis esset mysti-  
cus, si semper ex abundantia superio-  
res vites in inferiores fluenter, & quo-  
dammodo in obumbratione diuina, à  
miseria huius vitæ eximerent.

Remissio ergo operationis, & quid-  
quid in circumferentia totius compo-  
siti vacuitatis, aut humanæ infirmita-  
tis sentitur , ut præambulum & im-  
perfecta dispositio , æquo animo fe-  
renda est; dein ad exercitium actus spi-  
ritualis tendentia ad eum , qui omni  
interioritati silentiosè intimior est,  
incl-

a Isa. 40. b Inf. decisi. I. a. 8. §. 10.